



無言叢書
十
早二

14
458
12



458
卷 12



唐折衝府
攷

南刻余石齋精書

褚成博題

南陵徐氏觀齋鼓書

鼓書

府兵始自西魏僅有百府周隋之世閒有增置至唐而其制始備隸後曠騎設而府兵壞召募興而府兵廢卒至藩鎮驕恣外重內輕唐祚陵遲不能救振職此之由府兵之制新舊書不甚詳備立府之數亦言人人殊要當以鄴侯外傳所云六百三十府者為據陸宣公論關中事宜狀所云八百餘所在關中者五百蓋約舉其大數爾又唐於西域置軍府一百四十七南蠻東女等國皆例授將軍中郎果毅等官則外裔亦嘗置軍府矣然府名見於新書地理志者僅存十之六七京兆府百三十一志僅存十一復有一府而重見者有數府而誤其所屬者脫落舛誤考核綦難吾友勞君笙士考諸新舊

書紀傳參以傳記地理之書旁及諸家文集石刻碑誌
鉤稽薈萃箸爲此考書垂成而君遽歿其季子季言秀
才格編其遺藁補輯成書而勾予爲之序是書首卷載
折衝府廢置之由凡新舊書及六典通典諸書所列折
衝府制廣爲甄錄并列全文有復出者亦仍其舊全同
者則僅列其目間有涉及府制者別爲雜錄繫之於後
餘卷分載府名凡官於其府及置府之因地立名者詳
爲引證志缺而見於他書者則補於每州之後所隸之
衛尙有可考者則列衛名於府上所補之府無可考其
所屬之州者彙爲補遺附後卽有與諸州地名相同者
但云某府疑屬某州概不敢以肌決凡補府百單九又存

疑者五府合志所存四百四十八府共得五百五十七府於
新志之孱亂者如京兆府相原等五府誤屬華州檀州
密雲府誤屬媯州軒轅本作輶轅修武一爲修政則据
羣書以訂正之其重見者如陝州絳州之古亭府易州古亭
府係石亭之誤今以石刻校正晉州澤州之白澗府涼州則麗水置府
見元和郡縣圖志而復見於梁州懷州則懷仁改名見
唐大詔令而重出於京兆則存疑以待考至唐代諸州
初分屬十道後分隸十五道制隸無常廢置不定茲以
天寶八載以前所屬之道爲定而於各州下略注沿革
更改使可參考予深歎其援引該洽考訂精詳俾有唐
一代兵制庶稍詳備拾遺補缺有功於史者實多遂爲

敘其端厓以爲是書之發凡焉余始識君方各事撰述
余時爲唐郎官石柱題名及御史臺精舍題名考而君
適著是書乃中年祖謙所擬續箸俱未遑綴緝此編亦
幸得季言繼志纂成雖未足盡君之蘊而君要於是爲
不朽矣季言勤勤先著有足多者倘能踵成其先人未
竟之緒余於季言有厚望焉余年來衰遲晚晚題名兩
編屬藁垂半今亦託付季言是則余能不虛其區區之
心力者亦終賴季言以傳矣

道光二十一年辛丑十一月辛亥朔二十有二日壬申
同邑趙鉞謹序

唐折衝府考卷一

仁和勞經原

舊書職官志

正第四品上階

上府折衝都尉

武德初爲統軍正四品下後改爲折衝都尉垂拱令始分爲上中下府改定官

品武職事官

從第四品下階

中府折衝都尉

武職事官

正第五品下階

下府折衝都尉

武職事官

從第五品下階

上府果毅都尉武職事官

正第六品上階

中府果毅都尉武職事官

從第六品下階

下府果毅都尉武職事官案

正第七品下階

上府別將武德令別將正五品上後改為果毅上府長

史武德令統軍長史正

從第七品上階

中府別將武職事官中府長史文職事官

從第七品下階

下府別將武職事官下府長史文職事官諸折衝府校尉衛官武

府校尉正六品下

從第八品上階

諸府旅帥衛官武德乾封令諸

從第八品下階

上府兵曹文職事官案

正第九品下階

中府兵曹文職事官諸折衝府隊正衛官

從第九品上階

下府兵曹文職事官

從第九品下階

諸折衝府隊副衛

衛

諸府隋置驃騎鷹揚等府凡天下守戍折衝都尉各一

人武德中採隋折衝果毅郎將之名改統軍為折衝都

尉別將為左右果毅都尉各一人中府正六品上下府

果毅都尉從六品下隋煬帝置果毅別將各一人中府正六品上下府

郎將國家置折衝都尉別將各一人中府正六品上下府

從七品下長史一人中府正七品下中府從七品

一人上府從九品下中府正九品下中府從七品

校尉旅帥二人每旅帥隊正副隊正各二人諸府折衝

都尉掌領五校之屬以備宿衛以從師役總其戎具資

糧差點教習之法令凡衛士三百人為一團以校尉領

之以便習騎射者為越騎餘為步兵其團十人為火

備六馱之馬每歲十一月以衛士帳上尚書省天下兵

馬之數以聞凡兵馬在府每歲季冬折衝都尉率五校

之屬以教其軍陣戰鬥之法也具在教習簿籍

新書高祖紀

武德元年九月乙巳始置軍府

新書百官志

諸衛折衝都尉府每府折衝都尉一人上府正四品上

中府從四品下下府正五品下左右果毅都尉各一人

上府從五品下中府正六品上下府正六品下別將各

一人上府正七品下中府從七品上下府從七品下長

史各一人上府正七品下中府從七品上下府從七品

唐書卷一百一十一
下兵曹參軍事各一人上府正八品下中府正九品下
下府從九品上校尉五人從七品下旅帥十人從八品
上隊正二十人正九品下副隊正二十人從九品下折
衝都尉掌領屬備宿衛師役則總戎具資糧點習以三
百人為團一校尉領之捉捕持更者晨夜有行人必問
不應則彈弓而嚮之復不應則旁射又不應則射之晝
以排門人遠望暮夜以持更人遠聽有眾而囂則告主
帥

左右果毅都尉掌貳都尉
每府有錄事一人府一人史
二人兵曹府二人史三人每
隊正領兵五十人武德元年改鷹揚郎將曰軍頭正四
品下鷹擊郎將曰府副正五品上馬曰長史正八品
下校尉正六品下旅帥正七品下廢越騎步兵二校尉
及察非掾又改軍頭曰驃騎將軍府副曰車騎將軍皆

唐書卷一百一十一
府諸率府置驃騎將軍五人車騎將軍十人二年以
車騎將軍府一騎副一人至六年廢七年改驃騎將軍
每軍將軍一騎副一人至六年廢七年改驃騎將軍
為統軍府車騎將軍府一騎副一人至六年廢七年改
年改統軍府曰折衝都尉別將曰果毅都尉軍坊置坊
主一人檢校戶口勸課農桑以本坊五百三十三畝中
輔及近畿州都督府皆置府凡六百三十三畝中
長史置司馬一人總司兵司騎二局武后垂拱中以千
府二百人為上府千人為中府八百人為下府赤縣為赤
右有別將一人從六品下居果毅都尉之次其後分左
武士諸衛折衝果毅別將擇有行者為展仗押官右羽
林軍十五人左羽林軍二十五人衣服同色諸衛有弩
手左右驍衛各八十五人
新書兵志

府兵之制起自西魏後周而備於隋唐興因之隋制十
二衛曰翊衛曰驍騎衛曰武衛曰屯衛曰禦衛曰候衛

為左右皆有將軍以分統諸府之兵府有郎將副郎將坊主團主以相統治又有驃騎車騎二府皆有將軍後更驃騎曰鷹揚郎將車騎曰副郎將別置折衝果毅自高祖初起開大將軍府以建成為左領大都督領左三軍煬煌公為右領大都督領右三軍元吉統中軍發自太原有兵三萬人及諸起義以相屬與降羣盜得兵二十萬武德初始置軍府以驃騎車騎兩將軍府領之折關中為十二道曰萬年道長安道富平道醴泉道同州道華州道寧州道岐州道幽州道西麟州道涇州道宜州道皆置府三年更以萬年道為參旗軍長安道為鼓旗軍富平道為元戈軍醴泉道為井鉞軍同州道為羽

林軍華州道為騎官軍寧州道為折威軍岐州道為平道軍幽州道為招搖軍西麟州道為苑游軍案唐會要作游奔軍涇州道為天紀軍宜州道為天節軍軍置將副各一人以督耕戰以車騎府統之六年以天下既定遂廢十二軍改驃騎曰統軍車騎曰別將居歲餘十二軍復而軍置將軍一人軍有坊置主一人以檢察戶口勸課農桑太宗貞觀十年更號統軍為折衝都尉別將為果毅都尉諸府總曰折衝府凡天下十道置府六百三十四皆有名號而關內二百六十有一錢氏大昕云今據地理志所載軍府數之關內道二百七十三又延州新置府二河南道六十二河東道一百四十一河北道三十山南道十隴右道二十九淮南道六江南道二嶽南道十嶺南道三實止五百六十六而關內乃有二百七十三與志頗不相應而百官

志云三輔及近畿州都督府皆置府凡六百三十三則
又與兩數俱別杜氏通典州郡篇云折衝府五百九十
三職官篇則云五百七十四府王溥唐會要云關內置
府二百六十一又置折衝府二百八十通計舊府六百
三十三陸宣公奏議云太宗置府八百在關中者五百
杜牧原十六衛篇云外開折衝府五百七十有四王伯
厚引郭侯家傳云諸道共六百三十府又引理道要訣
云五百九十三理道要訣十卷杜佑撰唐人述府兵之
數言人人殊宜乎皆以隸諸衛凡府三等兵千二百人
史家莫適從也
果毅都尉各一人長史兵曹別將各一人校尉六人土
為上千人為中八百人為下府置折衝都尉一人左右
以三百人為團團有校尉五十人為隊隊有正十人為
火火有長火備六馱馬凡火具烏布幕鐵馬孟布槽鋪
鑿鑿碓筐斧鉗鋸皆一甲牀二鎌二隊具火鑽一胷馬
繩一首羈足絆皆三人具弓一矢三十胡祿橫刀礪石

大鵬氈帽氈裝行滕皆一麥飯九斗米二斗皆自備并
其介冑戎具藏於庫有所征行則視其入而出給之其
番上宿衛者惟給弓矢橫刀而已凡民年二十為兵六
十而免其能騎而射者為越騎其餘為步兵武騎排攢
手步射每歲季冬折衝都尉率五校兵馬之在府者置
左右二校尉位相距百步每校為步隊十騎隊一皆卷
稍幡展及旗散立以俟角手吹大角一通諸校皆飲人
騎為隊二通偃旗稍解幡三通旗稍舉左右校擊鼓二
校之人合譟而進右校擊鉦隊少卻左校進逐至右校
立所左校擊鉦少卻右校進逐至左校立所右校復擊
鉦隊還左校復薄戰皆擊鉦隊各還大角復鳴一通皆

卷幡攝矢弛弓匣及二通旗稍舉隊皆進三通左右校皆引還是日也因縱獵獲各入其人其隸於衛也左右衛皆領六十府諸衛領五十至四十其餘以隸東宮六率凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行當給馬者官予其直市之每匹子錢二萬五千刺史折衝果毅歲閱不任戰事者鬻之以其錢更市不足則一府共足之凡當宿衛者番上兵部以遠近給番五百里爲五番千里七番一千五百里八番二千里十番外爲十二番皆一月上若簡留直衛者五百里爲七番千里八番二千里十番外爲十二番亦月上先天二年詔

日往者分建府衛計戶充兵裁足周事二十一入募六十一出軍多憚勞以規避匿今宜取年二十五以上五十而免屢征鎮者十年免之雖有其言而事不克行元宗開元六年始詔折衝府兵每六歲一簡自高宗武后時天下久不用兵府兵之法寢壞番役更代多不以時衛士稍稍亡匿至是益耗散宿衛不能給宰相張說乃請一切募士宿衛十一年取京兆蒲同岐華府兵及白丁而益以潞州長從兵共十二萬號長從宿衛歲二番命尙書左丞蕭嵩與州吏共選之明年更號曰曠騎又詔諸州府馬闕官私共補之今兵貧難致乃給以監牧馬然自是諸府士益多不補折衝將又積歲不得遷士

人皆恥爲之十三年始以曠騎分隸十二衛總十二萬
爲六番每衛萬人京兆曠騎六萬六千華州六千同州
九千蒲州萬二千三百絳州三千六百晉州千五百岐
州六千河南府三千陝虢汝鄭懷汴六州各六百內弩
手六千其制皆擇下戶白丁宗丁品子疆壯五尺七寸
以上不足則兼以戶八等五尺以上皆免征鎮賦役爲
四籍兵部及州縣衛分掌之十人爲火五火爲團皆有
首長又擇材勇者爲番頭頗習弩射又有羽林軍飛騎
亦習弩凡伏遠弩自能施張縱矢三百步四發而二中
擘張弩二百三十步四發而二中角弓弩二百步四發
而三中單弓弩百六十步四發而二中皆爲及第諸軍

皆近營爲塉士有便習者教試之及第者有賞自天寶
以後曠騎之法又稍變廢士皆失拊循八載折衝諸府
至無兵可交李林甫遂請停上下魚書其後徒有兵額
官吏而戎器馱馬鍋幕糗糧竝廢矣故時府人目番上
宿衛者曰侍官言侍衛天子至是衛佐悉以假人爲童
奴京師人恥之至相罵辱必曰侍官而六軍宿衛皆市
人富者販繒絲食梁肉壯者爲角觝拔河翹木扛鐵之
戲及祿山反皆不能受甲矣初府兵之置居無事時耕
於野其番上者宿衛京師而已若四方有事則命將以
出事解輒罷兵散于府將歸于朝故士不失業而將帥
無握兵之重所以防微漸絕禍亂之萌也及府兵法壞

而方鎮盛武夫悍將雖無事時據要險專方面既有其土地又有其人民又有其甲兵又有其財賦以布列天下然則方鎮不得不疆京師不得不弱故曰措置之勢使然者以此也

唐六典

諸衛折衝都尉府

每府折衝尉一人

左果毅都尉一人

右果毅都尉一人

別將一人

長史一人

錄事一人 案新書錄事下有府一人

史二人

兵曹參軍事一人

府二人

史三人

校尉五人

旅帥十人

隊正二十人

副隊正二十人

諸府折衝都尉各一人 上府正四品上中府從四品上

下府正五品下案并田之法而

備軍政至秦廢并田置郡縣尉為太守之貳而主兵至

漢改四都尉九武職多以尉為補後漢省都尉至隋左

唐折衝都尉考卷一

右衛左右武衛左右武候各領軍坊鄉團以統戎卒開皇初又置驃騎將軍府每府有驃騎將軍車騎將軍大業三年改置鷹揚府每府改驃騎為鷹揚即將軍騎為鷹揚副將軍五年又以鷹揚副將軍為鷹擊即將軍朝武德初因隋鷹揚府依開皇舊名置

材老弱少壯各為之簿以進退為

此條有缺文

長史掌判兵事倉儲車馬介冑之事及其簿書會要之

法

兵曹掌兵吏糧倉公廨財物田園課稅之事與其出入

勾檢之法每月簿番上衛士之數以上衛每歲簿錄事

及府史捉口品于補上年月姓名以上于州申考功兵

部

通典職官十一

折衝府

果毅別將等附

隋初左右衛左右武衛左右武候各領軍坊鄉團以統

戎卒開皇中置驃騎將軍府每府置驃騎車騎二將軍

大業三年改驃騎府為鷹揚府改驃騎將軍為鷹揚郎

將改車騎將軍為鷹揚副郎將

五年又以鷹揚副郎將為鷹擊郎將

九年別置折衝果毅及武勇雄武等郎將官以統領驍果大

唐武德初猶有驃騎府及驃騎車騎將軍之制武德七

年乃改驃騎為統軍車騎為別將貞觀十年復採隋折

衝果毅郎將之名改統軍為折衝都尉別將為果毅都

尉

魏有折衝將軍後周有尉成議別將官其名因此其府多因其地各自為名無

鷹揚之號凡五百七十四府分置於諸州而名隸諸衛

及東宮率府各領兵滿一千二百人為上府兩京城內雖不滿此

數亦同千人為中府兩畿及岐同華懷陝等五州所入

百人為下府每府置折衝都尉一人掌領校尉以下宿

判府左右果毅都尉各一人掌通判春秋傳日戎昭果

事之毅陽帝始置後改將別將一人不判府事若無兵曹

為之案將上疑脫別字以上即知府事初別

將既改為果毅而府中有長史員案員上疑脫

字聖歷三年廢長史置別將一員後又兼置長史長史

一人通判載初兵曹一人判府事付事勾校尉六人以下

小吏各有差若校尉凡府在赤縣為赤府在畿縣為畿

府衛士以三百人為團團有校尉五十人為隊隊有正

十人為火火有案疑脫長備六馱馬驢初置入馱米糧

介冑戎器鍋幕貯之府庫以備武事每歲十一月以衛

士帳上于兵部以候徵發天下衛士向六十萬人初置

丁而入六十出役其家不免征徭天寶八年五月停折

遂漸逃散年月漸久逃死者不補衛府可校之十一年八月改諸衛士為武士

通志職官略文同通典不錄而東水原漢水縣晉

文獻通考職官考文同通典不錄

文獻通考兵考典不錄

兵制太服原晉受晉公薊馱衣及相繼錄

周太祖輔西魏時用蘇綽言始倣周典置六軍籍六等

之民擇魁健材力之士以為之首盡蠲租調而刺史以

農隙教之合為百府每府一即將主之分屬二十四軍

開府各領一軍大將軍凡十二人每一將軍統二開府

唐折衝府考卷一
十一
一柱國主二大將將復加持節都督以統焉凡柱國六員眾不滿五萬人
閔帝時改八丁兵爲十二丁兵率歲一月一役
武帝既誅晉公護始親政初周太祖爲魏相立左右十二軍總屬相府太祖殂皆受晉公護處分凡所徵發非護書不行護弟屯兵侍衛盛於宮闕帝既親政始收兵權既克齊之後并相各置六府而東北別爲七總管
隋兵制大抵仍周齊府兵之舊而加潤色其十二衛曰翊衛曰驍騎衛曰武衛曰屯衛曰禦衛曰候衛各分左右皆置將軍以分統諸府之兵有郎將副將坊主團主以相統治其外又有驃騎車騎二府皆有將軍後更驃

騎曰鷹揚郎將車騎曰副郎將別置折衝果毅此府兵之大略也

文帝開皇十年詔曰魏末喪亂軍人權置坊府南征北伐居處無定家無完堵地罕包桑朕甚愍之凡是軍人可悉屬州縣墾田籍帳一與民同軍府統領宜依舊式罷山東河南及北方緣邊之地新置軍府
唐高祖初起兵開大將軍府以建成爲左領大都督領左三軍太宗爲右領大都督領右三軍元吉統中軍發自太原有兵三萬人及諸起義以相屬與降羣盜得兵二十萬武德初始置軍府以驃騎車騎兩將軍府領之析關中爲十二道曰萬年道長安道富平道醴泉道同

唐折衝府考卷一
州道華州道寧州道岐州道幽州道西麟州道涇州道
宜州道皆置府時以天下未定將舉關中之眾以臨四
方三年更以萬年道爲參旗軍長安道爲鼓旗軍富平
道爲元戈軍醴泉道爲井鉞軍同州道爲羽林軍華州
道爲騎官軍寧州道爲折威軍岐州道爲平道軍幽州
道爲招搖軍西麟州道爲苑游軍涇州道爲天紀軍宜
州道爲天節軍軍置將副各一人以督耕戰以車騎府
統之六年以天下既定遂廢十二軍改驃騎曰統軍車
騎曰別將居歲餘十二軍復而軍置將軍一人軍有坊
置主一人以檢察戶口勸課農桑
太宗貞觀十年更號統軍爲折衝都尉別將爲果毅都

尉諸府總曰折衝府凡天下十道置府六百三十四皆
有名號而關內二百六十有一皆以隸諸衛凡府三等
兵千二百人爲上千人爲中八百人爲下府置折衝都
尉一人左右果毅都尉各一人長史兵曹別將各一人
校尉六人土以三百人爲團團有校尉五十人爲隊隊
有正十人爲火火有長火備六馱馬凡火具烏布幕鐵
馬孟布槽錘鏝鑿碓筐斧鉗鋸皆一甲牀二鎌二隊具
火鑽一胄馬繩一首羈足絆皆三人具弓一矢三十胡
祿橫刀礪石大觶氈帽氈裝行膝皆一麥飯九斗米二
斗皆自備并其介胄戎具藏於庫有所征行則視其入
而出給之其番上宿衛者惟給弓矢橫刀而已凡民年

二十爲兵六十而免其能騎而射者爲越騎其餘爲步兵武騎排纘手步射每歲季冬折衝都尉率五校兵馬之在府者置左右二校尉位相距百步每校爲步隊十騎隊一皆卷稍幡展及旗散立以俟角手吹大角一通諸校皆斂人騎爲隊二通偃旗稍解幡三通旗稍舉左右校擊鼓二校之人合譟而進右校擊鉦隊少卻左校進逐至右校立所左校擊鉦少卻右校進逐至左校立所右校復擊鉦隊還左校復薄戰皆擊鉦隊各還大角復鳴一通皆卷幡攝矢弛弓匣及二通旗稍舉隊皆進三通左右校皆引還是日也因縱獵獲各入其人其隸於衛也左右衛皆領六十府諸衛領五十至四十其餘

以隸東宮六率凡發府兵皆下符契州刺史與折衝勸契乃發若全府發則折衝都尉以下皆行不盡則果毅行少則別將行當給馬者官予其直市之每匹予錢二萬五千刺史折衝果毅歲閱不任戰事者鬻之以其錢更市不足則一府共足之凡當宿衛者番上兵部以遠近給番五百里爲五番千里七番一千五百里八番二千里十番外爲十二番皆以月上若簡留直衛者五百里爲七番千里八番二千里十番外爲十二番亦月上上嘗引諸衛將卒習射於顯德殿諭之曰戎狄侵盜自古有之患在邊境小安則人主逸游忘戰今朕不使汝曹穿池築苑專習弓矢居閒無事則爲汝師突

厥入寇則為汝將庶幾中國之民可以少安於是日引數百人教射於殿庭上親臨試中多者賞以弓刀帛其將帥亦加上考由是人思自勵數年之閒悉為精銳

府兵圖

上府	千二百人	折衝都尉	左果毅都尉	右果毅都尉	同	長史一人
中府	千人	折衝都尉	左果毅都尉	右果毅都尉	同	兵曹一人
下府	八百人	折衝都尉	左果毅都尉	右果毅都尉	同	別將一人
坊	高祖置	坊主一人	羽林軍	高宗	龍武軍	元宗
團	三百人	校尉	神武軍	肅宗		
隊	五十人	隊正	禁軍		神策軍	代宗
					英武軍	代宗

火十人

天威軍

順宗

神威軍

德宗

章氏曰唐志言凡天下十道置府六百三十四皆有名號而關內二百六十有一皆以隸諸衛會要云折衝府二百八十通計舊府六百三十三陸贄奏議則以為太宗置府八百在關中者五百杜牧原十六衛上畜養戎臣外開折衝果毅府五百七十有四其數不同府多在關中說者以為固本漢置都尉亦此意左右衛皆領六十府諸衛領五十至四十其餘以隸東宮十率府而折衝亦隸焉太子管軍非古制也唐只是折衝自教漢都試之日郡縣之官盡會唐之府兵雖散在諸道然折衝都

尉並遙隸於諸衛乃是內任官故官志係之於諸
衛之後不與外官同漢都尉不隸於衛尉乃是外
任官故表係之郡守之後與唐異然而領兵則太
守與都尉刺史與折衝同矣唐以遠近分番皆以
一月恐太紛擾漢以二歲更代爲善又唐在二千
里外者亦不免此法所以壞也

元宗先天元年詔曰往者分建府衛計戶充兵裁足周
事二十一入募六十一出軍多憚勞以規避匿今宜取
年二十五以上五十而免屢征鎮者十年免之雖有其
言事不克行開元六年始詔折衝府兵每六歲一簡
自高宗武后時天下久不用兵府兵之法寢壞番役更

代多不以時衛士稍稍亡匿至是益耗散宿衛不能給
宰相張說乃請一切募士宿衛十一年取京兆蒲同岐
華府兵及白丁而益以潞州長從兵共十二萬號長從
宿衛歲一番命尚書左丞蕭嵩與州吏共選之明年更
號曰曠騎又詔諸州府馬闕官私共補之今兵貧難致
乃給以監牧馬然自是諸府士益多不補折衝將又積
歲不得遷士人皆恥爲之十三年始以曠騎分隸十二
衛總十二萬爲六番每衛萬人京兆曠騎六萬六千華
州六千同州九千蒲州萬二千三百絳州三千六百晉
州千五百岐州六千河南府三千陝號汝鄭懷汴六州
各六百內弩手六千其制皆擇下戶白丁宗丁品子彊

唐折衝府考卷一
壯五尺七寸以上不足則兼以戶八等五尺以上皆免
征鎮賦役爲四籍兵部及州縣衛分掌之十人爲火五
火爲團皆有首長又擇材勇者爲番頭頗習弩射又有
羽林軍飛騎亦習弩凡伏遠弩自能施張縱矢三百步
四發而二中擘張弩二百三十步四發而二中角弓弩
二百步四發而三中單弓弩百六十步四發而二中皆
爲及第諸軍皆近營爲朔士有便習者教試之及第者
有賞自天寶以後曠騎之法又稍變廢士皆失拊循八
載折衝諸府至無兵可交李林甫遂請停上下魚書其
後徒有兵額官吏而戎器馱馬鍋幕糗糧並廢矣故時
府人目番上宿衛者曰侍官言侍衛天子至衛佐悉以

假人爲童奴京師人恥之至相罵辱必曰侍官而六軍
宿衛皆市人富者販繒絲食梁肉壯者爲角觝拔河翹
木扛鐵之戲及祿山反皆不能受甲矣

德宗貞元二年上與常侍李泌議復府兵泌因爲上歷
敘府兵自西魏以來興廢之由且言府兵平日皆安居
田畝每府有折衝領之折衝以農隙教習戰陳國家有
事徵發則以符契下其州及府參驗發之至所期處將
帥案閱有教習不精者罪其折衝甚者罪及刺史軍還
則賜勳加賞便道罷之行者近不踰時遠不經歲高宗
以劉仁軌爲洮河鎮守使以圖吐蕃於是始有久戍之
役武后以來承平日久府兵寢墮爲人所賤百姓恥之

唐世宗本紀卷一
至蒸爨手足以避其役又牛仙客以積財得宰相邊將效之山東戍卒多齎繒帛自隨邊將誘之寄於府庫晝則苦役夜繫地牢利其死而沒入其財故自天寶以後山東戍卒還者十無二三其殘虐如此然未嘗有外叛內侮殺帥自擅者誠以顧戀田園恐累宗族故也自開元之末張說始募長征兵謂之彍騎其後益爲六軍及李林甫爲相奏諸軍皆募人爲兵兵不土著又無宗族不自重惜忘身徇利禍亂遂生至今爲梗彘使府兵之法常存不廢安有如此下陵上替之患哉陛下思復府兵此乃社稷之福太平有日矣上曰俟平河中當與卿議之

三年上復問泌以復府兵之策對曰今歲徵關東卒戍京西者十七萬人計歲食粟二百四萬斛今粟斗直錢百五十爲錢三百六萬緡國家比遭饑亂經費不充就使有錢亦無粟可糴未暇議復府兵也上曰然將奈何亟減戍卒歸之何如對曰陛下誠能用臣之言可以不減戍卒不擾百姓糧食皆足粟麥日賤府兵亦成上曰果能如之何爲不用對曰此須急爲之過旬日則不及矣今吐蕃久居原蘭之間以牛運糧糧盡牛無所用請發左藏惡繒染爲綵纈因党項以市之每頭不過二匹計十八萬匹可致六萬餘頭又命諸冶鑄農器糴麥種分賜緣邊軍鎮募戍卒耕荒田而種之約明年麥熟

唐律考卷一
一
倍償其種其餘據時價五分增一官爲糴之來春種禾亦如之關中土沃而久荒所收必厚戍卒獲利耕者浸多邊地居人至少軍士月食官糧粟麥無所售其價必賤名爲增價實比今歲所減多矣上曰善卽時命行之泌又言邊地官多闕請募人入粟以補之可足今歲之糧上亦從之因問曰卿言府兵亦集如何對曰戍卒因屯田致富則安於其土不復思歸舊制戍卒三年而代及其將滿下令有願留者卽以所開田爲永業家人願來者本貫給長牒續食而遣之據應募之數移報本道雖河朔諸帥得免更代之煩亦喜聞矣不過數番則戍卒皆土著乃悉以府兵之法理之是變關中之疲弊爲

富彊也上喜曰如此天下無復事矣泌曰未也臣能用中國之兵使吐蕃自困上曰計將安出對曰臣未敢言之俟麥禾有效然後可議也上固問不對泌意欲結回紇大食雲南與共圖吐蕃令吐蕃所備者多知上意恨回紇恐聞之不悅并屯田之議不行故不肖言旣而戍卒應募願耕屯田者什五六

郡國兵 鄉兵

唐制高祖武德初始置軍府析關中爲十二道以驃騎車騎兩將軍領之

太宗貞觀十年更號統軍爲折衝都尉別將爲果毅都尉諸府總曰折衝府凡天下十道關中置府一百七十

三案一當 河南道置府六十二河東道置府百三十九

案新書地理志 河北道置府十四 案新書地理志 山南道

置府凡十隴右道置府二十九淮南道置府凡六江南

道置府凡二劍南道置府凡十嶺南道置府凡三共十

道置府五百六十四皆有名號而關中府皆以隸諸衛

案十道所置之府皆屬諸衛不隸關中也此誤 凡府三等兵千二百人為上干

人為中八百人為下府置折衝都尉一人左右果毅都

尉各一人長史兵曹別將各一人校尉六人士以三百

人為團圍有校尉五十人為隊隊有正十人為火火有

長

高宗武后以來府衛之法寢壞變而為曠騎曠騎變而

方鎮之兵熾矣 詳見兵制門

林氏曰唐之府兵折衝都尉雖遙隸於諸衛軍城

守捉實散在於諸道每歲季冬折衝將率兵馬之

在府者置左右校習戰陣之儀步隊騎隊之有其

制擊鉦伐鼓之有其節國無不習之兵然府兵六

百三十四所以三百六十有一在關中固為重本

計而諸道二百有餘分布錯置亦為防外設唐初

相制之意非不善也夫何更代法廢諸府之籍不

補折衝之將不遷 見兵制 及范陽之變所過州縣望

風瓦解如入無人之境外兵蓋失於不補耳迨至

諸鎮之兵共起討賊其後安史繼亂中國雲擾肅

宗命李光弼等討之號九節度之師大盜既滅而武夫戰卒以功起行陣者皆除節度由是方鎮相望於內地朝廷不能制而甘為姑息之政是以京師有變藩鎮亦驅兵而至朱李之徒相繼犯闕唐祚遂以瓜裂此亦矯重外兵之失也嗟夫輕則盜賊以乘隙重則收鎮以據兵為國者安可不權其勢歟

唐會要

府兵

武德元年五月改隋鷹揚郎將為軍頭六月十九日改軍頭為驃騎將軍副為車騎將軍六年五月十六日車

騎將軍府隸驃騎府七年三月六日改驃騎將軍為統軍車騎為副統軍至貞觀十年改統軍為折衝都尉副為果毅都尉凡府以衛士一千二百人為上府一千人為中府八百人為下府在赤縣為赤府在畿為畿府衛士以三百人為圍有校尉五十人為隊三十人為火有長備六馱馬驢初置八馱後改為六米糧介冑戎器鍋幕貯之府庫以備武事關內置府三百六十一積兵士十六萬舉關中之眾以臨四方迺置十二軍分關中諸府以隸焉每歲十一月以衛士帳上于兵部以俟徵發天下衛士尚六十萬初置以成丁而入六十出役其家不免征徭通計舊府六百三十三案上文云凡天下府有六百三十四與此不合河東道

府額亞於關中河北之地人逐漸逃散年月漸久逃死者不補三輔漸寡弱宿衛之數不給

永徽三年十一月敕折衝果毅老弱簡退者宜同致仕

開元六年五月二十七日敕請疑折衝府兵每年一簡

點至時所司條奏案新書兵志云每六歲一簡通考同與此不合

十一年十一月二十日兵部尚書張說置長從宿衛兵

十萬人於南衙簡京兆蒲同岐等州府兵及白丁淮尺

八例一年兩番州縣更不得雜使役仍令尚書左丞蕭

嵩與本州長官同揀擇以聞至十三年二月二十一日

始名曠騎分隸十二衛十六年二月二十五日曠騎弓

手宜改爲左右羽林騎二十六年八月十日敕三衛當

番逢閏併比諸色稍亦艱辛諸每至閏月取以次番人

循環當上庶免偏併二十九年閏四月敕應簡三衛曠

騎宜令京畿採訪使御史中丞張倚兼知不須更別差

使從今已後使有移改亦當令一中丞相知勾當

天寶八載五月九日停折衝上府案當作下魚書以無

兵可交至末年折衝府但有兵額其軍士戎器六馱鍋

幕糗糧竝廢

寶應元年四月十七日畿縣折衝府闕官本縣令攝判

其手力每府不得過一人

玉海兵制

魏六軍 府兵

唐折衝府考卷一

三

後魏書西魏大統八年宇文泰做周典置六軍合為百府每府一將統之分屬二十四軍開府各領一軍大將軍凡十二人每一大將軍統二府一柱國統二大將軍凡柱國六員復加持節都督以統之十六年籍民之有才力者為府兵初孝文太和十九年八月乙巳選武勇之士十五萬人為羽林虎賁充宿衛隋以府隸於左右十二衛及東宮率府置衛大將軍一人將軍二人即開府之位也

唐府兵 符契 折衝府 十二軍

兵志古者兵法起於井田周衰王制不復惟唐立府兵之制始一寓之於農唐二百餘年兵大勢三變始盛時

有府兵府兵後廢而為曠騎曠騎廢而方鎮之兵盛其末也強臣悍將兵布天下而天子亦自置兵於京師曰禁軍府兵之制起自西魏後周而備於隋北史周文置十二軍簡諸將領之通鑿隋大業二年增改左右翊衛等為十六府唐興因之隋制十二衛曰翊衛曰驍騎衛曰武衛曰屯衛曰禦衛曰候衛分為左右皆有將軍以分統諸府之兵府有郎將副郎將坊主團主以相統治又有驃騎車騎二府皆有將軍隋文開皇中置後更驃騎曰鷹揚郎將車騎曰副郎將煬帝大業二年改別置折衝果毅自高祖初起開大將軍府發太原有兵三萬人及諸起義以相屬與降羣盜得兵二十萬武德初始置軍府元年五月改隋鷹揚郎將為軍頭六月十九日改軍頭為驃騎將軍副為車騎將軍九月乙巳

始置軍府段志元以多以驃騎車騎兩將軍府領之析

關中為十二道日萬年道長安道富平道醴泉道同州

道華州道寧州道岐州道幽州道案脫麟州道涇州道

宜州道皆置府分關內諸府統之二年五月三年七月

十一日舊更以萬年道為參旗軍軍名傳奕所長安

道為鼓旗軍富平道為元戈軍醴泉道為井鉞軍同州

道為羽林軍華州道為騎官軍寧州道為折威軍岐州

道為平道軍邠州道為招搖軍西麟案脫麟州字道為苑游軍

涇州道為天紀軍宜州道為天節軍軍置將副各一人

以督耕戰以車騎府統之六年二月十四日以天下既定廢

十二軍七年二月改驃騎日統軍車騎日別將會要日居

歲餘十二軍復以突厥為患八年軍置將軍一人會要

六日以太常卿五月辛亥復置軍有坊置主一人以檢察戶口勸課農

桑太宗貞觀十年更號統軍為折衝都尉別將為果毅

都尉諸府總日折衝府凡天下十道置府六百三十四

皆有名號而關內二百六十有一皆以隸諸衛官志垂

云赤縣為赤府凡府三等兵千二百人為上千人為中

八百人為下府置折衝都尉一人左右果毅都尉各一

人長史兵曹別將各一人校尉六人折衝都尉段秀實

尉屈突昺脫離字郭曜開陽府折衝都尉果毅都

州君牙果毅別將曲環果毅王忠嗣東陽郭知運秦

州哥舒翰張守珪幽州良杜劉昌易州遂城薛仁貴雲泉

朝晨甘泉段秀實隴州大堆府官志永徽中廢長史

置司馬一人總司兵司騎二局聖元廢司馬置長

唐折衝府考卷一
史兵士以三百人為團團有校尉五十人為隊隊有正曹
十人為火火有長火備六馱馬初置八馱後改為六凡火具烏布
幕鐵馬孟布槽鍤鑿碓筐斧鉗鋸皆一甲牀二鎌三
隊具火鑽一胛馬繩二首羈足絆皆三人具弓一矢三
十胡祿橫刀礪石大觶氈帽氈裝行滕皆一麥飯九斗
米二斗皆自備并其介冑戎具藏於庫有所征行則視
其出入而給之其番上宿衛者惟給弓矢橫刀而已凡
民年二十為兵六十而免其能騎而射者為越騎其餘
為步兵武騎排攢手步射每歲季冬折衝都尉率五校
兵馬之在府者置左右二校尉位相距百步每校為步
隊十騎隊一皆卷稍幡展及旗散立以俟角手吹大角

一通諸校皆斂人騎為隊二通偃旗稍解幡三通旗稍
舉左右校擊鼓二校之人合譟而進右校擊鉦隊少卻
左校進逐至右校立所左校擊鉦少卻右校進逐至左
校立所右校復擊鉦隊還左校復薄戰皆擊鉦隊各還
大角復鳴一通皆卷幡攝矢弛弓匣及二通旗稍舉隊
皆進三通左右校皆引還是日也因縱獵獲各入其人
其隸於衛也左右衛皆領六十府諸衛領五十至四十
其餘以隸東宮六率凡發府兵皆下符契州刺史與折
衝勘契乃發若全府發則折衝都尉以下皆行不盡則
果毅行少則別將行當給馬者官與其直市之每匹與
錢二萬五千刺史折衝果毅歲閱不任戰事者鬻之以

唐折衝府考卷一
其錢更市不足則一府共足之凡當宿衛者番上兵部以遠近給番五百里為五番千里七番一千五百里八番二千里十番外為十二番皆一月上若簡留直衛者五百里為七番千里八番二千里十番外為十二番亦月上先天二年詔曰往者分建府衛計戶充兵裁足周事二十一入募六十一出軍多憚勞以規避匿今宜取年二十五以上五十而免屢征鎮者十年免之雖有其言而事不克行元崇開元六年始詔折衝府兵每六歲一簡通鑿開元八年二月壬子敕以役莫重於軍府一為衛士六十乃免宜促其歲限使百姓更迭為之初府兵之置居無事時畊於野其番上者宿衛京師而已若四方有事則命將以出事解輒罷兵散于府將歸

于朝故士不失業而將帥無握兵之重所以防微杜漸絕禍亂之萌也番調有時教閱有法統御有律團伍有籍兵雖有籍而府實空將雖有名而權實去兵將在內而京師實重制兵之術莫善於太宗及府兵法壞而方鎮盛
會要武德三年舊紀七月十一日舊紀下詔曰周置六

軍每習蒐狩漢增八校畢選驍勇今伊洛猶蕪江湖尙梗各因部校序其統屬改換鉦鐸創造徽章取象天官作其名號於是置十二衛將軍取威名素重者為之分關內諸府隸焉軍名傳關內置府二百六十一精兵士二十六萬舉關中之眾以臨四方又置折衝府二百八十通給舊府六百三十三河東道府額亞於關中河北之地人多壯勇故不置府其諸道亦置每歲十一月以

唐折衝府考卷一
衛士帳上兵部天下衛士六十萬初置以成丁而入六十出役其家不免王徭遂漸逃散年月漸久宿衛之數不給開元六年五月二十七日置折衝府每年一簡點十一年十一月二十日兵部尚書張說置長從宿衛兵十萬於南衙十三年二月二十一日號彊騎十六年二月二十五日壬辰改為左右羽林騎天寶八載五月九日癸酉停折衝府上下魚書以無兵可交至末年折衝府但有兵額官吏而戎器馱馬鍋幕糗糧並廢寶應元年四月十七日畿縣折衝府缺官本縣令攝判百官志三輔及近畿州都督府皆置府凡六百三十三通典其府多因其地各自為名凡五百七十四理道要訣云唐折衝

府五百九十三杜牧原十六衛云外開折衝果毅府五百七十四上府不越一千二百人五百七十四府凡有四十萬人陸贄上疏太宗列置府兵八百所而關中五百舉天下不敵關中則居重馭輕之意也
六典凡天下之府五百九十有四有上中下皆量其遠邇以定其番弟舊志今以地理志攷之天下有府共五百六十六計七十五郡關內十九郡有府二百七十二河東十五郡有府百四十一河南河北十郡有府九十二河南六十二河北三十山南十隴右二十九淮南六江南二劍南十嶺南三除關內道餘九道有府二百九十三總而計之止五百六十六參之兵志置府六百三十四之數差互不齊官志又云六百三十三恐地理志所載猶有缺遺列傳鄭元璫為參旗將軍令教諸

屯軍法 傅奕武德定十二軍號皆詔奕云 錢九隴

為苑游將軍 劉宏基為井鉞將軍督步騎萬人備塞

賀魯傳詔梁建芳等發府兵三萬擊之 高宗紀貞

觀二十三年四月以羽檄發六府甲士四千衛入京師

唐關內置府 十道置府

兵志 十道置府六百三十四皆有名號而關內二

百六十一皆以隸諸衛 百官志 三輔及近畿州都督

府皆置府凡六百三十三 會要 關內置府二百六十

一積兵士二十六萬舉關中之眾以臨四方 地理志

太宗元年分天下為十道關內道京兆府 雍州 有府百

三十一其名存者十一真化至太清餘皆逸華州有府

二十晉樂至懷仁同州有府二十六濟北至效誠商州

有府二洵水玉京鳳翔府 岐州 有府十三岐山至山泉

邠州有府十嘉陽至宜山右京畿採訪使治京城隴州

有府四大堆至臨沂涇州有府六涇陽至仁賢原州有

府二彭陽安善寧州有府十一彭池至永寧慶州有府

八龍息至永安鄜州有府十一洛昌至安吉坊州有府

五杏城至安臺丹州有府五宜城至長松延州有府七

敦化至金明靈州有府五武略至萬春鹽州有府一鹽

川夏州有府二寧朔順化綏州有府四伏洛至大斌右

關內採訪使 案兵志關內置府二百六十一陸贄謂關

置府凡二百七十 河南道河南府 洛州 有府三十九武

定至軒轅汝州有府四龍興至邽城陝州有府十五曹陽至古亭虢州有府四鼎湖至開方河東道河中府蒲州有府三十三興樂至六軍晉州有府十五神山至仁德絳州有府三十三新田至蒲邑慈州有府三作城至平昌隰州有府六隰川至屈產太原府并州有府十八興政至文谷汾州十二嘉善至清勝沁州二延雙安樂遼州三遼城至龍城嵐州一嵐山石州二離石昌化忻州四秀容至定襄代州三五臺至雁門潞州一戡黎澤州五丹川至白澗河北道懷州有府二丹水吳澤易州九遂城至龍水幽州十四呂平至咸寧平州一盧龍媯州二密雲白檀薊州二漁陽臨渠山南道江陵府荊州

有府一羅舍夔州一東陽襄州一漢津均州一至誠金州一洪義興元府梁州一麗水鳳州一歸昌成州一平陰扶州二安川會川隴右道秦州有府六成紀至長川渭州四渭源至萬年蘭州二金城廣武洮州一安西岷州三祐川至和政疊州一長利宕州二同歸常吉涼州六明威至姑臧沙州三龍勒至懸泉瓜州一大黃淮南道揚州有府四江平至邗江和州一新川安州一義安江南道越州有府一浦陽潭州一長沙劍南道成都府有府三威遠至二江彭州二天水唐興蜀州三金堰至灌口漢州一玉津邛州一興化嶺南道廣州有府二綏南番禺貴州一龍山六典凡關內團結兵京兆府六

千三百二十七人同州六千七百三十六人華州五千二百二十三人蒲州二千七百三十五人選強壯免征賦舊史職官志兵部郎中凡左右金吾衛有角手諸衛有弩手左右羽林軍有飛騎及左右萬騎曠騎天下諸軍有健兒皆定其名籍每年上中書門下凡關內有團結兵秦成岷渭河蘭六州有高麗羌兵黎雅邛翼茂五州有鎮防團結兵

隋書開皇十年五月乙未詔曰魏末役車歲動未遑休息權置坊府南征北伐居處無定朕甚愍之凡軍人可悉屬州縣墾田籍帳一與民同軍府統領宜依舊式罷山東河南及北方緣邊之地新置軍府案李繁家傳載蘇綽初置府兵

與此利害優苦殊不同蓋綽雖創始而地狹民寡而加以長征不歸未得盡行其說至是平陳乃修成法葉氏曰未立府兵之前兵農本未嘗相離何待寓也唯好戰不息民失耕作無以轉餉則國貧而兵弱宇文蘇綽患其然始令兵農各籍不相牽綴既隸府額長征莫返而居者晏然不知緣此國富兵強隋文因之平一字內徒以兵農判而為二故也豈必高鄴侯家傳鄴侯李

上訪及安危曰朕欲復府兵之制如何對曰初置府兵於西魏大統中周文帝與度支尚書蘇綽之謀也自三代之後無與為比雖戰國之教士武卒技擊皆不及時西魏之境自陝而有關中及隴右河西而已東魏河北河南三道殷實富強而自襄鄧蜀漢皆屬於梁初置府不滿百每府有郎將主之而分屬二十四軍每軍以開府一人將焉每二開府屬一大將軍二大將軍屬一柱

唐書卷一百一
國大將軍仍加號持節大都督以統之時皇家太祖景
皇帝李虎為少師隴右行臺僕射隴西公與臣五代祖
弼太保大司徒趙郡公及大宗伯趙貴大司馬獨孤信
大司寇于謹大司空侯莫陳崇等六家主之是為六柱
國共有眾不滿五萬初置府兵而東魏霸相高歡大舉
來伐周太祖時為大丞相總百揆太師冢宰奉魏帝埽
境內以敵之除守禦之師共有眾三萬戰于沙苑臣五
代祖為右軍以師七千伏涓曲歡大敗遂取東魏河東
汾絳之地後又得梁之蜀漢襄鄧及漢東周受魏禪後
竟平北齊滅梁於江陵破陳吳明徹於邗溝陳氏所保
江南而已初置府兵皆於六戶中等以上家有二丁者

選材力一人免其身租庸調郡守農墾教試閱兵仗衣
馱牛驢及糗糧旨蓄六家共備撫養訓導有如子弟故
能寡克眾隋受周禪九年而滅陳天下一統皆府兵之
力也時晉王與楊素等凡十八人總管率師五十萬伐
陳而臣五代祖衍與弟椿姪寬皆為總管以平之後北
破突厥西滅吐谷渾南取林邑東滅流求皆府兵也隋
以府兵分隸於左右十二衛及東宮率府置衛大將軍
一人將軍二人即開府之任也而柱國為勳官皇朝因
之平定天下貞觀中北滅突厥延陀列州府至瀚海西
取龜茲等城郭諸國置二庭盡臣西域君長滅吐渾已
而復之降羌党項為三十六州高宗東滅高麗百濟遷

其人於中國列其地爲州縣以新羅爲雞林都督府以波斯爲大疾陵都督府亦府兵也自置府兵未有能以外叛內侮及殺帥自擅者自廢以來召募長征健兒而祿山得以爲亂至今不定復之爲便府兵之制史冊不甚詳臣家自西魏以來代掌其任臣高祖仲威從神堯入長安爲左屯衛將軍兼主太原從義之師於龍首監總南北禁軍之任所以臣家備知上曰何因廢之對曰初置府兵西魏周隋用之皆利及太宗之時每府番上必引於殿庭親自教射加以賞賜由是用之所向無敵自初屬六柱國家及分隸十二衛皆選勳德信臣爲將軍有事則命總之出征故撫綏訓練備至以取功名

又太宗明於知人拔用諸番酋渠執失思力契苾何力阿史那社爾等委爪牙之任皆爲名將不愧由余日磾時出征多不逾時遠不經歲而能克捷高宗始以劉仁軌爲洮河鎮守使以圖吐蕃於是始屯軍於境而師老厭戰矣後以李敬元爲鄯城鎮守使而敗十八萬於大非川時承平旣久諸衛將軍自武太后之代多以外戚無能者及降虜處之而衛佐之官以爲番上府兵有權朝要子弟解褐及次任之美官又多不旋踵而據要津將軍畏其父兄之勢恣其所爲自置府以其番上宿衛禮之謂之侍官言侍衛天子也至是衛佐悉以借姻戚之家爲僮僕執役京師人相詆訾者卽呼爲侍官時關

唐折衝府考卷一
東富實人尤上氣乃恥之至有戩手足以避府兵者番
上者貧羸受顧而來由是府兵始弱矣時人爲諺曰將
軍大曠騎衛佐小郎官是也將率相固爲衛佐下視矣
元宗時奚契丹兩番強盛數寇河北諸州不置府兵番
上以備兩蕃諸道共六百三十府上府管兵千二百次
千下八百通計約六十八萬左右衛各領府六十餘衛
領府自五十下至四十七東宮六率領多至六少至三
而已隋謂之鷹揚府皇朝改爲折衝府折衝樽俎之間
旋師祗席之上也改郎將爲都尉又置果毅都尉二人
爲之副及別將一人全府召發則折衝都尉已下偕行
不盡則果毅行少則別將行每發及皆下符契於本州

及府刺史與折衝勘契而發之而給其食券至幕所期
處驗其藝非精士不教習則罪其折衝甚則加罪州牧
有功而回入塞便道策勳加賞而罷之開元中元宗將
東封告成納裴光庭之策欲北幸太原揚師服狄而府
兵寡弱張說爲相乃請下詔募士但取材力不問所從
來旬月之間募者十三萬元宗大悅遂以曠騎名後以
左右神武軍與龍武羽林備六軍之數乃幸太原遣使
告突厥東封召其大臣扈從自是府兵之闕漸不復補
其戍邊者舊制三年而代後以勞於途路乃募能更佳
三年者賜物二十段謂之召募遂令諸軍皆募謂之健
兒開元末李林甫爲相又請諸軍召募長征健兒以息

唐初律府考卷一
山東兵士於是師不士著無家族之願將帥脅一時之令而偏裨殺帥自擅之兆生矣及河西節度牛仙客爲工部尙書同三品於是邊將競效積財以求恩矣及哥舒翰攻石堡發朔方河東四道之師十六萬三千以攻之殺傷殆盡關東之人西戍者邊將利其死而沒入輕齋之資故戍卒自天寶後回歸者無一二其虐如是而不敢怨叛以取之士著恐累親族也山東之人至今爲賊用懲天寶之苦一失兵柄至今不復若使高宗以來宰相得人安不忘危待府兵不失舊章安有叛臣賊子哉陛下謀及此太平有日矣上曰今已有神策六軍如何對曰府兵爲衛士神策等爲禁軍漢亦有南北及羽

林孤兒禁軍卽北軍隋衛士之外亦有驍果營國初太原從義之師願留宿衛爲心膂不歸者六萬於渭北白渠之下七縣絕戶膏腴之地分給義師家爲永業於縣下置太原田以居其父兄子弟於龍首監置營以處并爲臣高祖起第於監內謂之元從禁軍義寧元年初下京城爲右驍衛將軍主之貞觀初以尉遲敬德權領後二年復入領焉累轉右衛大將軍主禁旅凡二十年太宗乃以元從軍爲龍武分爲左右置將數員分掌之初高祖好畋獵於元從揀善射者百人分兩番於北門長上從獵謂之百騎太宗時亦然衣以五色賞賜優厚高宗時漸眾改爲千騎於北門別置營壘猶統龍武軍武

太后朝召入轉多改爲萬騎而名羽林軍分左右置將軍員如龍武羽林盛而龍武衰初元從軍老及缺必取其家子弟鄉親代之謂之父子軍及置羽林萬騎但取材藝燕公請募曠騎之後以爲神武軍衰矣元宗幸蜀六軍扈從者千人而已肅宗赴靈武不滿百人時朔方全軍子儀領之東討初卽位之後眾纔數千後置元帥府收其子弟有眾三萬分番於行在宿衛時擇善馬射者數百人謂之供奉射生官中貴監之以備出入翊從及收復京師龍武等六軍之士存而復上者共不滿萬思明陷東都也元帥府兵多鎮於陝州神策軍者本河州西境磨環川之軍號也中尉魚朝恩監之以眾七百

赴難屯於陝而朝恩都監在陝之師代宗卽位程元振并監元帥府禁軍先皇幸陝朝恩以在陝之師迎駕及還京師遂爲禁旅都以神策爲號以朝恩爲觀軍容使領之上曰八柱國言六家何也對曰其時周文帝是謂霸朝非人臣也廣陵王欣元氏懿戚位太傅太宗師從容禁闈而已其總戎蓋六家也上曰軍戎之制非卿家累代腹心之地他人無因知待平河中後當與卿籌畫云云對曰盡聽臣言不減戍兵軍食必辦府兵亦集上曰如何對曰關東之師約三年而代今始一年矣給荒地牛種農具而官爲之糴每人所獲不啻絹百匹年將滿下詔有願住者給所開地爲永業家口願來令州府

給長牒續食不二三更代則關中已實不假征戍矣因
 遂以為府兵移舊府名即而置之分隸京師諸軍諸衛
 有寇則以符契發付邊將無寇分番宿衛府兵成矣上
 曰此乃神謀也詔下種麥之事軍人願者十有五
 泌歷敘西魏以來興廢之由上曰侯平河田當議復府兵
 年七月問泌以復府兵之策泌請募戍卒屯田舊制三
 年而代及其將滿下令有願留者即以所開田為永業
 不過數番戍卒皆土著乃悉以府兵之法理之既而願
 耕者什五六杜牧曰府兵內割邊兵外作戎臣兵伍
 二年間十一月府兵之制日何處言府兵最備王安石
 石曰李鄴侯傳言之詳備宋祁言唐時出師每十為
 五馱法馬牛任從所便什物鍋幕之類皆具師行萬里
 無所缺乏乞檢求唐賦幕法議可復與否或曰宇文周
 制府衛法七家共出一兵方鎮表高祖太宗之制兵列府以居外
 將列衛以居內有事則將以征伐事已各解而去兵者

將之事也使得以用而不得以有之

杜牧樊川文集

原十六衛

國家始踵隋制開十六衛將軍總三十員屬官總一百
 二十八員署宇分部夾峙禁省厥初歷今未始替削然
 自今觀之設官言無謂者其十六衛乎本原事跡其實
 天下之大命也始自貞觀中既武遂文內以十六衛畜
 養戎臣褒公鄂公之徒外開折衝果毅府五百七十四
 以儲兵伍或有不幸方二三百里為寇土數十百萬人
 為寇兵蠻夷戎狄踐踏四作此時戎臣當提兵居外至
 如天下平一暴勃消削單車一符將命四走莫不信順

此時戎臣當提兵居內當其居內也官為將軍綬有朱紫章有金銀千百騎趨奉朝謁第觀車馬歌兒舞女念功賞勞出於曲賜所部之兵散舍諸府上府不越一千二百人五百七十四府凡有四十萬人三時耕稼穰切芳味禳音耒一釋耒時治武騎劍兵矢裨萬以課父兄相言不得業他籍藏將府伍散田畝力解勢破人人自愛雖有蚩尤為帥雅亦不可使為亂耳及其當居外也緣部之兵被檄乃來受命於朝不見妻子斧鉞在前爵賞在後以首爭首以力搏力飄暴交掉豈暇異略雖有蚩尤為帥雅亦無能為叛也自貞觀至于開元末百五十年閒戎臣兵伍未始逆篡此聖人所能柄統輕重制障表裏聖算神術

也至於開元末愚儒奏章曰天下文勝矣請罷府兵詔曰可武夫奏章曰天下力強矣請搏四夷詔曰可於是府兵內劇邊兵外作戎臣兵伍端奔矢往內無一人矣起遼走蜀繚絡萬里事五強寇奚契丹吐蕃雲南大石國十餘年中亡百萬人尾大中乾成燕偏重去聲而天下掀然根萌燼然七聖旰食求欲除之且不能也由此觀之戎臣兵伍豈可一日使出落鈴鍵哉然為國者不能無也居外則叛韓黥七國近者居內則篡卓犖曹馬已下是也使外不叛內不篡兵不離伍無自焚之患將保頸領無烹狗之論古今已還法術最長其置府立衛乎近代已來於其將也弊復為甚也人囂曰廷詔命將矣名出視之率市兒輩蓋

唐折衝府考卷一
多賂金玉負倚幽陰折券交貨所能也絕不識父兄禮
義之教復無慷慨感槩之氣百城千里一朝得之其強
傑復勃者則撓削法制不使縛已斬族忠良不使違己
力壹勢便罔不爲寇其陰泥去聲巧狡者亦能家算口斂
委於邪倖由鄉市公去郡得都四履所治指爲別館或
一夫不幸而壽則戛制生人略匝天下是以天下每每
兵亂湧溢齊人乾耗鄉黨風俗淫窳衰薄教化恩澤壅
抑不下召來災沴被及牛馬嗟乎自愚而知之人其盡
知之乎且武者任誅如天時有秋文者任治如天時有
春是天不能倒春秋是豪傑不能總文武是此輩受鉞
誅暴乎日於是乎在某人行教乎日於是乎在欲禍蠹

不作者未之有也伏惟文皇帝十六衛之旨誰復而原
其實天下之大命也故作原十六衛

南唐陳致雍曲臺奏議

序諸衛府折衝官例奏

准中書刺問諸衛所管有上中下府折衝府都尉何爲
上中下府謂十二衛管天下兵在外者有五百七十五
府每府以人數分爲上中下等各分隸在十二衛只如
左右衛有武成武安等五十府十疑府有折衝都尉各
一員有左右果毅都尉各一員若除官則以其名額通
稱曰某衛某府都尉其餘即可知也

國朝王鳴盛十七史商榷

唐折衝府考卷一
每府州下皆有府

新志於每一府州之下皆有小字注云有府若干此則舊文之所無而新書特增者也案惟畿輔稱府京兆府河南府是也其餘則都護府乃邊境治民之官都督府乃總管之改名今各府州下小字注有府若干與彼諸府絕無干涉此是府兵之制中所立營屯隊伍名色唐制府兵寓兵於農無事時耕於野番上者宿衛京師有事則命將以出事解兵散於府將歸於朝其無事時雖與農無異要必別自為籍如後代衛所之制新兵志惜未詳而於地志中猶存其名目兵志言府兵諸府總曰折衝府凡天下十道置府六百三十四今地志於京兆

郡多至府百三十一者以其為京師也河南郡則三十九稍多以其為陪京也其餘各州郡至多不過一二十府少至一二府者甚多然則其為府兵散隸各州郡平日無事時別立部籍名色無疑

置府之數各書互異

新兵志云諸府總曰折衝府凡天下十道置府六百三十四皆有名號而關內二百六十有一皆以隸諸衛文獻通考引章氏曰名俊卿著山堂考索會要云折衝府二百八十八通計舊府六百三十三陸贄奏議則以為太宗置府八百在關中者五百杜牧原十六衛上畜養戎臣外開折衝果毅府五百七十有四其數不同愚謂章氏所考數

不同者猶據他書今觀新百官志折衝都尉下注三輔
及近畿州都督府皆置府凡六百三十三與會要同與
兵志已自相違又兵志言關內二百六十一而地理志
關內道所載府凡二百七十五二者亦不同何也新書
百官志注文與兵志多重復可歸併一處而於官志但
云詳兵志又杜牧原十六衛篇自注云五百七十四府
凡有四十萬人甚分明
不知何以互異如此

日無事則限五騎騎各一馬
武備志以其欲謂京出其餘各縣
深更重百三十一者其

雜錄

凡應宿衛官各從番第長上折衝果毅應宿衛者並一

日上兩日下唐六典五

凡兵士隸衛各有其名左右衛曰驍騎左右驍衛曰豹

騎左右武衛曰熊渠左右威衛曰羽林左右領軍衛曰

射聲六典作豹騎疑茲從舊書左右金吾衛曰伙飛東宮左右衛率

府曰超乘左右司禦率府曰旅賁左右清道率府曰直

盪總名曰衛士皆取六品已下子孫及白丁無職役者

點充凡三年一簡點成丁而入六十而免量其遠邇以

定番第百里內五番五百里外七番一千里外八番各

守者免番凡衛士各立名簿具三年已來征防若差遣

仍定優劣為三等每年正月十日送本府印訖仍錄一

通送本衛府若有差行上番折衝府據簿而發之若征

使經兩番已上者免兩番兩番已上者並凡差衛士征

二番其不免番還日即當番者免上番

戍鎮防亦有團伍其善弓馬者為越騎團餘為步兵團

主帥已下統領之火十人有六馱馬若無馬鄉任

兄弟弟不併遣之若祖父母父母老疾家無兼丁免征

行及番上其居常則皆習射唱大角歌番集之日府官

率而課試六典五舊書職官志同

凡諸州軍府應行兵馬之名簿器物之多少皆申兵部

軍散之日亦錄其存亡多少以申而勘會之凡諸道回

六典五

兵糧糈之物衣資之費皆令所在州縣分而給之

舊書職官志同凡天下諸州公廨諸軍折衝府各四頃六典三

外官職田上府折衝都尉六頃中府五頃五十畝下府

五頃上府果毅都尉四頃中府三頃五十畝下府三頃

上府長史別將三頃中府下府二頃五十畝折衝上府

兵曹二頃中府下府一頃五十畝外軍校尉一頃二十

畝旅帥一頃隊正副八十畝六典三新書食貨志同

折衝府官則有仗身上府折衝都尉六人果毅四人長

史別將三人兵曹二人中下府各減一人皆十五日而

代新書食貨志

諸折衝府錄事府史一千七百八十二人校尉三千五

十人

百六十四人執仗執乘每府三十二人諸臺省寺監軍衛坊府之胥史六千餘人新書選舉志

天下置公廨本錢以典史主之收贏十之七以供佐史以下不賦粟者常食餘為百官俸料折衝上府二十萬

中府減四之一下府十萬新書食貨志

永泰二年十一月丙辰詔在京諸司官員久不請俸頗

聞艱辛其諸州府縣官及折衝府官職田據苗子多少

三分取一隨處糶貨市輕貨以送上都納青苗錢庫以

助均給百官舊書代宗紀

武后天授二年廢潼關雍洛州置開鄭汴許衛等州制

云鄭州汴州許州可置八府汝州可置二府衛州可置

五府別兵皆一千五百人文苑英華

唐府兵六百三十餘所江淮兩道不過八九玉海一百三十七

十二衛各置大將軍一人將軍二人總府事并統諸鷹

揚府改驃騎為鷹揚郎將正五品車騎為鷹揚副郎將

從五品大都督為校尉帥都督為旅帥都督為隊正增

置隊副以貳之鷹揚府每府置鷹揚郎將一人正五品

副鷹揚郎將一人從五品各有司馬及兵倉兩司鷹揚

每府置越騎校尉二人掌騎士步兵校尉二人領步兵

竝正六品外軍鷹揚官竝同五年又改副郎將竝為鷹

擊郎將隋書百官志下案此隋府兵之制故附存之

唐折衝府考卷一終

唐折衝府考卷二

關內道新書地理志關內道有府二百七十三又延州府志存者二府唐會要云關內置府三百六十一京兆府隋京兆郡武德元年改為雍州天授元年改為京兆府其年復舊開元元年改為京兆府新志有府百三十一止存十一府云餘皆逸

補樂口唐書地理志關內道有府二百七十三又延州府志存者二府唐會要云關內置府三百六十一京兆府隋京兆郡武德元年改為雍州天授元年改為京兆府其年復舊開元元年改為京兆府新志有府百三十一止存十一府云餘皆逸

宋敏求長安志七唐京城引章述記日其中有折衝府四又云唐京城朱雀街東第二街靖安坊西南

隅樂口府原注

補左義陽唐書地理志關內道有府二百七十三又延州府志存者二府唐會要云關內置府三百六十一京兆府隋京兆郡武德元年改為雍州天授元年改為京兆府其年復舊開元元年改為京兆府新志有府百三十一止存十一府云餘皆逸

長安志入唐京城朱雀街東第四街宣平坊義陽府

原注貞觀中置楊炯左武衛將軍成安子崔獻行狀乾封

元年詔遷游騎將軍左威衛義陽府折衝都尉仍加

上柱國右羽林軍長上如故楊盈川集石刻趙宗儒等

華嶽題名有義陽府左果毅丁希口

附存薩寶

長安志十唐京城朱雀街疑脫第三街布政坊西南

隅胡祆祠原注武德四年立西域胡祆神也祠內有薩寶府官主祠拔神亦以胡祝充其職

舊書職官志一視流內起居五品至從九品初以

薩寶府官等品開元初一切罷之今惟有薩寶祆正

二官而已又有視流外亦自勳品至九品開元初唯

留薩寶祆祝及府史餘亦罷之杜佑通典職官十二

二大唐官品有薩寶視流內正五品薩寶祆正視

從七品又有薩寶府祆祝視流外勳品薩寶率府視

禮四品薩寶府史視五品新書宰相世系表上五鄭行

諶薩寶果毅又下武威李氏本安氏後魏有難陀

孫婆羅周隋閒居涼州武威為薩寶元和姓纂同

述記曰唐京城有折衝府四如并薩寶府計之共有

五府案今所傳殘本兩京新記曰胡祆祠武德四年

所立西域胡祆祠之官以亦設果毅故附存之

補宣平王翊曹蔚林長安志十唐京城朱雀街疑脫第三街延福坊街東

真之北宣平府

真化非宜平韻

長安志十唐京城朱雀街疑脫第三街延福坊真化

府原注王讜唐語林五和元祐為真誤真化府長史

匡道

長安志十朱雀街西之第四街金城坊西南隅匡道

府原注漢思后園杜門外大道東也舊書蘇定方

傳貞觀初為匡道府折衝新傳本舊書蜀悼王愔傳

典軍楊道整諫愔拜為匡道府折衝都尉新傳同唐會要同

相原

孝德

溫湯

○長安志十溫湯在蒲城縣東六十里

宣化

○長安志十蒲城縣唐有宣化鄉

懷仁

○長安志十蒲城縣有懷仁鄉管聖母里 已上五

府地理志竝屬華州据長安志屬蒲城縣案蒲城縣

本屬同州開元四年更名奉先隸京兆府天祐三年

又屬同州則五府當屬京兆無疑志屬華州誤也今

改正

水衡

長安志十雲陽縣有水衡今本府原注在縣西南三里

仲山

長安志十二雲陽縣有仲山府

原注在縣西北四十里

楊炯原

州百泉縣令李君

楚才神道碑武德六年轉仲山府左

列楊盈川集

仲山集本作中山誤茲從文苑英華校正列疑當作別又下脫將字

新城

寶泉

善信

鳳神

安業

新書宰相世系表下寶涓安業府別將○長安志十三安業鄉在咸陽縣北管介公里又舊書地理志景龍

三年以商州安業縣屬雍州景雲元年復隸商州新志

亦

平香

太清

新書宰相世系表下寶令珍太清府

補利仁

新書王毛仲傳臨淄王與劉幽求薛崇簡及利仁府

折衝麻嗣宗謀舉大計

胡三省通鑑音註曰雍州府百三十一其逸者百二十利

仁府必屬雍州襄王重茂誅韋氏制云臨淄郡王隆基與利仁府折衝麻嗣宗等叶契建謀重安李氏

襄王重茂大赦詔利仁府折衝麻嗣宗可雲麾將

軍行左金吾衛中郎將賜物一千段

唐大詔令

補豐崇

李邕長安縣尉贈隴州刺史王府君行神道碑夫人

中山甄氏父雍州豐崇府左別將黃陂縣開國男食

邑三百戶行府君之息女李北海集

補大通樂大字疑誤

李邕左羽林大將軍臧公懷亮神道碑除定遠將軍大

衛雍州通樂府折衝仍長上充大武軍同上軍下有脫字

補興國

石刻唐太極元年易州石亭府左果毅都尉薊縣田

義起石浮圖頌末題弟義隆昭武校尉上柱國雍州

興國府右果毅都尉 林寶元和姓纂四紙技也寶倫

唐興國別將 石刻劉憲大唐故右武衛將軍上柱

國乙速孤府君行儼碑銘儀鳳二年勅除興國府右果

毅都尉

補勵行

張說贈涼州都督上柱國太原郡開國公郭君知神

道碑子英協游擊將軍前京兆府勵行府右果毅都

尉張燕公集

補周城

石刻李宗閔唐故輔國大將軍行左神策軍將軍知

軍事檢校右散騎常侍兼御史大夫義陽郡王食實

封二百戶贈越州都督刑部尚書苻公璘神道碑銘

後題中書省□□官昭武校尉守京兆周城府折衝上柱國邵建和鑄字○太平寰宇記二十武功縣有周城一名美陽城長安志四十周城在武功縣美陽城西北中水鄉

補灌鍾

石刻段成式大唐安國寺故內外臨壇大德寂照和上碑銘父詮灌鍾府折衝鎮于咸陽馬跑泉精祠○長安志三十馬跑泉在咸陽縣西二十五里

補槐里

沈既濟任氏傳鄭子武調授槐里府果毅都尉在金城縣太平廣記四○長安志四十槐里故城即大邱城

在興平縣東南十里

補天藏

釋道世法苑珠林伽藍篇致敬唐終南庫谷內西南又名胡盧谷今其谷名庫地名天藏故谷口府坊皆名天藏○新書地理志藍田縣有庫谷

續增望苑

府見鳳翔府

石刻唐故振威副尉左金吾衛新平郡宜祿府折衝都尉口府君墓誌授左羽林軍長上轉京兆府望苑府別將金石續編案此府地理志屬鳳翔府墓誌云屬京兆府當攷

李邕

李邕

李邕

李邕

李邕

李邕

李邕

李邕

李邕

李邕

鴻州天授二年析雍州置大足元年廢還屬雍州唐會要云久視元年八月二十四日廢新志府關

補長道

李邕臧懷亮神道碑授左玉鈴翊府長上遷鴻州長

道府左果毅仍長上李北海集

楊炯左武衛將軍成安子崔獻行狀麟德元年有詔起公爲左威衛修仁府左果毅都尉仍命羽林軍長

上楊盈川集

神水

常興

義津

○白居易唐故坊州鄜城縣尉陳府君夫人白氏墓誌銘卜宅兆於華州下邽縣義津鄉北原

白氏文集

定城

元和姓纂二十潘神威唐定城府統軍河南人令占

鄂縣

延壽

羅文

○新書地理志鄭縣東南十五里有羅文渠

鄭邑

宣義

懷德

○地理志宣義府下有相原孝德溫湯宣化四府懷德府下有懷仁府据長安志當屬京兆府志誤

伏龍

戴少平鎮國大將軍王榮神道碑遷同州伏龍府折

衝賜紫金魚袋本軍宿衛文苑英華○括地志伏龍祠在

同州馮翊縣西北四十里史記河渠書正義

溫湯

案京兆府已有溫湯府

安遠

業善

南鄉

臨高

漢陽

左領軍衛襄城

石刻李震唐故雲麾將軍左龍武軍將軍彭城劉公

感墓誌銘轉左領軍衛同州襄城府折衝

崇道

元和姓纂十九侯婁武徹唐崇道府統軍武安公河南

人

浙谷

吉安

左領軍長春

石刻苗神客大唐故右虞侯副率檢校左領軍衛將

軍上柱國乙速孤府君神慶碑銘貞觀十年蒙授游擊

將軍守左領軍長春府口別將。新書地理志朝邑縣有長春宮。

華池

括地志華池在同州韓城縣西南七十里在夏陽故城西北四里。史記太史公自序正義

永大

洪泉

賈彥璿大唐故忠武將軍行辭王府典軍上柱國平棘縣開國男李府君無慮墓誌銘改授同州洪泉府左果毅仍令長上。古刻叢鈔

善福

司禦

效誠

商州隋上洛郡武德元年改為商州天寶元年改為上洛郡乾元元年復為商州舊書屬山南西道新志

有府二

洵水

劉太真房州刺史杜君徽元神道碑考元隱府君游擊

將軍商州洵水府折衝上柱國文苑英華資洽通鑿唐紀

二十開元十二年七月溪州蠻覃行璋反擊擒之赦

以為洵水府別駕胡三省音註曰唐制諸府無別駕別駕當為別將

玉京

正京

以欲

二十

都軍

海太

許水

亦水

南水

北水

鳳翔府 隋扶風郡武德元年改為岐州天寶元年改為鳳翔府至德二載元和郡縣志作

岐山

○新書地理志岐山縣有岐山

雍北

顏真卿有唐故中大夫使持節壽州諸軍事壽州刺史上柱國贈太保郭公敬之廟碑銘轉雍北府右果毅

加游擊將軍顏魯公集

道清

洛邑

新書宰相世系表五鍾山操洛邑府統軍元和姓纂同

留谷

岐陽

石刻苗神客乙速孤神慶碑子寧遠將軍守岐陽府

長上折衝行均元和姓纂同王氏魏曰寧遠將軍

五品下則行均是武散階正五品下府折衝都尉尉正

中府兩畿及岐同華懷陝等五州所管府雖不滿此

數亦同中府是岐州無下府折衝也考中府折衝都

尉從弟四品下階寧遠將軍正第五品下階故云守

蓋從貞觀令以職事○舊書地理志岐陽縣貞觀七

文城

郊邑

年割扶風岐陽二縣置二十一年廢永徽五年復置

案下岐陽當從新志作岐山

新志失載二十一年縣廢事

三交

○太平寰宇記十三交故城在寶雞縣西四十六里

鳳泉

○新書地理志義寧二年析郿縣置鳳泉縣貞觀八

年省又云郿縣有鳳泉湯

望苑

邵吉

山泉

附存陳倉

資治通鑑唐紀貞觀十四年陳倉折衝都尉魯寧坐

事繫獄案下魏徵云隋末百姓疆而陵官吏如魯寧

之比是也胡三省云魯寧官為折衝本陳倉

百姓似陳倉。○新書地理志寶雞縣本陳倉至德二

載更名

州刺史

山泉

昭吉

望茂

平昔文云嶺碑音鳳泉

○陳書地理志寶雞二年改陳倉為鳳泉

鳳泉

○太平寰宇記三交州姚齊寶雞西四十六

三交

邠州隋新平郡武德元年改為幽州開元十三年以字

類幽改為邠州天寶元年改為新平郡乾元元年

復為邠州新

志有府十

嘉陽

宜祿

○地理志邠州有宜祿縣

公劉

○元和郡縣志

始都之處

長社

胡陵

蟠川

左右領軍衛 萬敵

唐六典_四 左右領軍衛長史掌判萬敵萬年等六

十府之貳

金池 隋之武... 西... 三十里

舜城 武... 志... 古... 水... 西... 三十里

宜山

續增宜祿 府見

石刻口府君墓誌口新平郡宜祿府口折衝都尉知

隊仗如故兼左藏庫使 金石續編

隴州 隋隴東郡武德元年改為隴州天寶元年改為汧陽郡乾元元年復為隴州新志有府四

大堆 新書段秀實傳遷隴州大堆府果毅 舊傳失載

龍盤

○舊書地理志吳山縣上元元年移治龍盤城太平

寰宇記_{三十} 龍盤山在吳山縣東南七里

開川

臨汧

○新書地理志汧陽縣有臨汧城太和元年築

補大候

石刻大唐故朝散大夫京苑總監上柱國茹府君 福守

墓誌銘授隴州大候府果毅

唐拔御府考卷二

○蘇書州志云州縣有湖澤太麻元平榮

湖澤

○晉書地理志吳山隸土元元平

湖澤

○晉書地理志吳山隸土元元平

湖澤

○晉書地理志吳山隸土元元平

涇川 隋安定郡武德元年改為涇州天寶元年改為安

定郡至德元載更名保定郡乾元元年復為涇州

新志有

府六

涇陽 李公孫墓誌父思登皇朝州二寶祿

四門 新書宰相世系表下寶奩知四門府別將內新書南

蠻傳訶陵國元和八年 舊傳作 獻僧祇奴四 舊傳作

五色鸚鵡頻伽鳥等憲宗拜內四門府左果毅使者

讓其弟帝嘉美竝官之 舊傳使者 張賁然忠武將

軍茹公 義忠 神道碑開元中以良家子戰功居右補涇

州四門府別將策勳之授也 文苑 唐莫州唐興軍

都虞候兼押衙試鴻臚卿鄭府君 玉 墓誌銘祖備涇

唐新衙考卷二

墓

州四門府折衝河間府志

興教

純德

新書宰相世系表四唐萬壽純德府果毅

肅清

仁賢

石刻崔元略唐故興元元從正議大夫行內侍省內

侍知省事上柱國賜紫金魚袋贈特進左武衛大將

軍李公輔墓誌銘父思翌皇涇州仁賢府左果毅賞

緋魚袋

原州隋平涼郡武德元年改為原州天寶元年改為平涼郡乾元元年復為原州新志有府二

彭陽

安善

天固

右衛蒲川

楊炯夫周明威將軍梁公待賓神道碑永淳二年二月

四任制授昭節校尉守右衛蒲州當作府佐當作果

高毅仍令長上兼上陽洛城等門供奉楊盈川集石刻唐

故上柱國果毅都尉李府君在墓誌銘貞觀十七年

改任寧州蒲川府果毅都尉隨班例也

東原高遠亦果隆潛據元顯文英華

三會對元顯文英華

大延州

和泉州

永寧

樊衡為幽州長史薛楚玉破契丹露布有永寧府果

毅閣鼎臣文苑英華

續增天固府見上

石刻口府君墓誌口口交郡龍交府彭原郡天固府

左果毅都尉加振威副尉金石續編。通典州部隋天固

堡在彭原縣南極嶮絕

○舊書地理志武德六年分合水置蟠交縣天寶元

年廢併入合水六年新志作元年又云貞觀元年省合水入本名入宏化天寶元年更

蟠交曰合水與舊志異元和郡縣志武德二年袁守

記作元年改合水為合川貞觀元年改為宏化縣又

云天寶元年改蟠交縣為合

水縣寰宇記同說亦不合

永業

永安

樂蟠

○地理志慶州有樂蟠縣

永安

樂蟠

邠州隋上郡武德元年改為邠州天寶元年改為洛交郡乾元元年復為邠州新志有府十一

洛昌

龍交

葦川

賈彥璿李無慮墓誌銘轉授邠州葦川府右果毅古

叢鈔葦川一作章州疑誤

五交

大同

安光

洛安

銀方

杏林

修武

權德輿故鄆州伏陸縣令贈左散騎常侍王府君崇
神道碑銘再命鄆州修武府果毅都尉權文
公集

安吉

補安昌

盧虔御史中丞晉州刺史高公武
神道碑以申警之

勤首職洛交郡安昌府別將昭忠信也文苑
英華

續增龍交府見

石刻口府君墓誌調河東郡霍山府左果毅都尉口
口交郡龍交府加振威副尉金石
續編

坊州武德二年析鄆州置天寶元年改為中
部郡乾元元年復為坊州新志有府五

杏城

○元和郡縣志 杏城在中部縣西南五里

仁里

石刻茹守福墓誌銘武太后時選補右領軍衛長上
考滿授坊州仁里府別將

思臣

永平

于邵田司馬傳驟改永平府左果毅文苑
英華

安臺

通典兵天寶以後邊師怙寵便請署官易州遂城府

坊州安臺一作安州誤府別將果毅之類每一制則同授千餘人

太平

坊州安臺一作安州誤府別將果毅之類每一制則同授千餘人
太平
坊州安臺一作安州誤府別將果毅之類每一制則同授千餘人
太平

丹州隋丹陽郡武德元年改為丹州天寶元年改為咸寧郡乾元元年復為丹州新志有府五宜城

通天

同化

丹陽

○太平寰宇記三十丹陽川在宜川縣西南長松

新書宗室世系表下江王房有丹州長松府折衝都尉尚容 于邵田司馬傳改長松府折衝文苑英華○舊書地理志咸寧縣景龍二年移治長松川

舊唐志延州

太平寰宇記

延州

延州

延州

延州

延州

延州

延州

延州

延州 隋延安郡武德元年改為延州天寶元年改為延安郡乾元元年復為延州新志有府七

敦化

延川

○地理志延州有延川縣

因城

○舊書地理志敷政縣隋固城縣

○元和郡縣志 塞門鎮在延昌縣西北二十里鎮

本在夏州寧朔縣

開元二年移就蘆子關南金鎮

塞門

唐新術考卷二

所安置

延安

○新書地理志延長縣本延安縣廣德二年更名

金明

○地理志延州有金明縣

羌部落

新書地理志儀鳳中吐谷渾部落自涼州內附置二

府于金明西境曰羌部落○新書地理志羈縻州有

渾州儀鳳中吐谷渾自涼州內附者處於金明西境

置舊志寄治延安郡隸延州都督府則此府疑屬渾州

閣門

新書地理志儀鳳中置 又宰相世系表五安義仲

閣門府果毅元和姓纂同○新書地理志羈縻州有閣門

州隸涼州都督府太平寰宇記三十渾州川水在金

明縣西二十里自閣門府來至縣西前台濯筋水閣

誤

續增金明府見

石刻郭湜同光禪師塔銘末題延州金明府別將屈

集臣鐫

業田餘

不曉確界同大軍備糧米木處或限金限銀限

開西二十里白開門限來至親西首會開水

開門限果發神地○蘇書地理志開門限會開門

唐書地理志開門中街又李林甫系表正交

靈州隋靈武郡武德元年改為靈州天寶元年改為靈武郡乾元元年復為靈州新志有府五

武略

河間

靜城

鳴沙

○舊書地理志鳴沙縣武德二年屬西會州貞觀六年州廢更隸環州九年廢屬靈州新志同

萬春

之貢其地亦派邑內

○太平寰宇記三十一 正風鹽川案派國志

鹽川

唐新州府志卷二

唐新州府志卷二

夏州 隋朔方郡貞觀二年改為夏州天寶元年改為朔方郡乾元元年復為夏州新志有府二

○地理志夏州有寧朔縣

順化

永嘉

邵南

新書宰相世系表上 裴貞隱邵南府果毅 石刻唐

上元元年大德寺造像并建彌勒閣碑銘有齋主邵

南府隊正景

慕善

政教

鞏洛

新書宰相世系表上 鄭過庭鞏洛府別將

伊陽

○地理志河南府有伊陽縣

軹城

洛汭

邠廓

伊川

一作洛川

張說贈戶部尚書河東公楊君一執神道碑驟進直詞

淡觸權嬖為易之張易之兄弟所嫉左授伊川府果毅

張燕公集伊石刻柳賁唐故左金吾將軍范陽

張公嘉墓誌銘轉伊川府折衝本傳○元和郡縣志

六 伊闕縣伊川西自陸渾縣泝流入

洛泉

通谷

○舊書地理志緱氏縣上元中復置治所於通谷北

潁源

左右威衛宜陽

唐六典四左右威衛長史掌判宜陽五十府○新

書地理志福昌縣本宜陽縣武德二年更名

金谷

顏真卿郭敬之廟碑轉金谷府折衝兼左衛長上顏

公集金谷集本作

王屋

張賁然忠武將軍茹公神道碑以武部試甲科改授

河南府王屋府果毅加游擊將軍用絕倫也文苑英華○
新書地理志王屋縣有王屋山元和郡縣志山在縣北十五里

成皋

石刻郭敬之廟碑陰男子儀改河南府城皋府別將

本傳舊書地理志成皋府在汜水縣北○元和郡

失載縣志六汜水縣漢之成皋縣新書地理志孟州汜水

縣武德四年析置成皋縣貞觀元年省東南有成皋

故關

夏邑

原邑

右衛原城

石刻唐故左監門將軍冠軍大將軍使持節口口

當是都督代忻口 據李孝同碑 蔚四州諸軍事代州刺史

當是朔字 上柱國許公 洛仁 碑貞觀二年除右衛原城府統軍

鶴臺

函谷

千秋

○太平寰宇記 五 千秋亭在澠池縣東二十里又有

水曰千秋澗

左右金吾衛 同軌

舊書職官志 三 左右金吾將軍之職同軌等五十府

皆屬之同軌寶圖等五十府曠騎衛士應番上者各

領所職焉 唐六典同 六典云左右金吾衛長史掌判同

軌寶圖等五十府之事 石刻柳賁張嘉祐墓誌銘

補右領軍司戈換同軌府果毅知含嘉倉幹其出內

本傳 失載 ○舊書地理志永寧縣武德三年移治同軌城

饒濟

溫城

具茨

○新書地理志許州陽翟縣有具茨山 陽翟龍朔二年隸洛州舊

志前作龍朔後作顯慶 會昌三年復屬許州

左右金吾衛 寶圖

見前同軌府注

鈞臺

一本作鈞臺誤

○元和郡縣志六鈞臺在陽翟縣南十五里

承雲

○太平寰宇記五密縣有承雲水水經注云出承雲

山二源雙導世謂之東西承雲

轅轅

石刻漁陽郡君李氏造龕銘有轅轅府折衝都尉口

口口顯慶四年六月○新書地理志緱氏縣東南有

轅轅故關元和郡縣志六轅轅山在緱氏縣東南四

十六里案轅轅新志作軒轅軒轅古帝王號不當

以名軍府當是轅轅之誤今依石刻校正

補箕山

資治通鑑七隋紀大業十二年七月戊辰車駕至鞏勅

有司移箕山公路二府於洛口倉內胡三省音註曰新唐志河南有

鞏洛府無箕山公路二府疑移於倉內又隋紀義

後遂并爲鞏洛府也案胡說亦未確

寧元年李密克洛口箕山府郎將張季珣因守不下

隋書誠節傳張季珣大業末爲鷹擊郎將其府據箕山爲固與洛口連接

補公路

北史來護兒傳子整公路府鷹揚郎將○元和郡縣

志六緱氏縣隋大業十年移據公路澗西憑岸爲城

又有公路壘在縣南三里寰宇記又九陳州項城縣

有公路故城縣東四里漢末袁術所築案皆非是

育公祖姑蘇東四里與宋袁術不交

又育公祖壘在城南三里

志大憐因泗水大業十年蘇公祖歸西

非史來對只勒于蘇公祖報蘇祖報。

泗公祖

泗水其源出於其山

泗水半李密攻洛口其山

其源出於其山

其源出於其山

其源出於其山

其源出於其山

汝州 隋襄城郡武德四年改為伊州貞觀八年改為汝州天寶元年改為臨汝郡乾元元年復為汝州

志有府四

龍興

○地理志汝州有龍興縣

魯陽

石刻郭敬之廟碑陰子儀又改汝州魯陽府折衝知

右羽林軍長上 本傳失載 張賁然忠武將軍茹公神道

碑累遷汝州魯陽府折衝 文苑英華 ○元和郡縣志 七 魯

山縣本漢魯陽縣

梁川

郟城

○地理志汝州有郟城縣

山陰本新舊縣志
 縣界漢文川魯國武德元年改
 武德元年改爲陝州天寶元年改
 爲陝州乾元元年復爲陝州新志有府十五
 曹陽

陝州隋宏農郡武德元年改爲陝州天寶元年改爲陝州乾元元年復爲陝州新志有府十五
 左衛曹陽書此縣志平劉本陝北

石刻李震劉感墓誌銘又改昭武校尉行左衛陝州

曹陽府折衝○元和郡縣志七曹陽墟俗名七里澗

在陝縣西南七里寰宇記作四十五里又有曹陽亭在靈寶縣

東南十四里亭寰宇記作城

崇樂

左衛華望

李邕臧懷亮神道碑轉左衛陝州華望府左果毅長

上拜游擊將軍本府折衝都尉仍長上李北海集

安城

唐折衝府考卷二
案壽州亦有安城府

桃林 舊書地理志靈寶縣隋桃林縣天寶元年以掘得寶符改為靈寶縣 新志同

夏臺

○太平寰宇記 六 夏禹臺在夏縣西北十五里

萬歲

安戎

河北

○新書地理志平陸縣本河北隸蒲州貞觀元年來屬

忠孝

上陽

底柱

○新書地理志峽石縣有底柱山 元和郡縣志俗名三門山在縣東北

五十里

夏川

望陝

古亭

案絳州亦有古亭府

開元

其限金限當景金門之籍今於英華坊五

潘文英 金門賦賦志卦金限榮派賦与首金限

張真然忠近張軍公輸黃縣縣如難限金門限

金門

全譜

食奇

○博書賦賦志元平如鳳林縣日限限因限

限賦

百限

限賦 元武平與武州未限限元武平與武州

鄭州 隋榮陽郡武德四年改為鄭州天寶元年改
為榮陽郡乾元元年復為鄭州新志府關

補溱州

元和郡縣志 九 新鄭縣溱州府城即東魏河南道行

臺侯景營軍之壘

唐折衝府考卷二終

唐折衝府考卷二終

唐折衝府考卷二終

